

佛說三歸五戒慈心厭離功德經

失譯人名今附東晉錄

聞如是：一時，佛在舍衛國祇樹給孤獨園。佛爲阿那邠邸長者說：過去久遠有梵志名毗羅摩，饒財多寶，若布施時，用八萬四千金鉢盛滿碎銀，八萬四千金鉢盛滿碎金；復以八萬四千金銀澡罐，復以八萬四千牛，皆以金銀覆角；復以八萬四千玉女莊嚴具足，復以八萬四千臥具罽綵自覆；復以八萬四千衣裳，復以八萬四千象馬，皆以金銀鞍勒；復以八萬四千房舍布施，復於四城門中布施，隨其所欲皆悉與之；復以一房舍施招提僧，如上施福不如受三自歸，所以然者，受三歸者，施一切眾生無畏，是故歸佛法僧，其福不可計量也。如上布施及受三歸福，復不如受五戒福；受五戒者，功德滿具，其福勝也。如上布施及受三歸五戒福，復不如彈指頃慈念眾生福也。如上布施及受三歸五戒慈念眾生福，復不如起一切世間不可樂想福，所以然者，起一切世間不可樂想福，能令行者滅生死苦，終成佛道，故其福最勝也。爾時，長者聞佛所說，歡喜奉行。

佛說三歸五戒慈心厭離功德經

佛說三歸五戒慈心厭離功德經—釋題

一 佛

宗趣¹二在認同眾，啓眾本同破²四謬。

1 我亦在人數，我亦在僧數。

2 大、一、常、主。

因中³償足無愧憾，果中恬進上⁴忍圓。

3 證古佛德，報眾生恩。

4 三業淨廣無同喻，無蔽無遺僅相似。

二 說

能詮⁵慧淨所詮準，歷歷⁶現前二無驗；

5 般若深徹透一切，洞照五蘊驚取患！

6 執現實真共相爭，體察非真真現實。

無實無住悉⁷消通，⁸擴情創願智勘見。

7 精心細究無我物，勝解此無聲氣通。

8 擴情濟苦成大情，提智伏(真)我練假我。

三 三歸

歸佛瞻效完人格，歸法憶持悟⁹勝義，

9 法正義明得二樂(喜、安)，新心新境脫麗惡。

歸僧和敬友誼淳：三歸誓歸信願基。

四 五戒

1. 戒殺心柔面貌善，神安壽長體力健；

2. 戒盜手淨厭非義，清廉成範遺後代；

3. 戒婚外情持端正，子女讚效鄰社敬；

4. 戒妄吐誠眾欽信，報感廣長說法妙；

5· 戒酒腦醒身手靈，亡國驚震頓猛絕！

五 慈心

慈心護念慈眼視，慈手快挺普拔助；

普助亟需新觀行，廣培智慈提¹⁰三難！

10 三塗八難：地獄、畜生、餓鬼三塗及、

長壽天、邊地、盲聾瘡瘡、世智辯聰、佛前佛後。

六 厭離

內觀身心非淨常，一般卻皆執常淨，

酷戀頑爭諸苦因，故佛悲憫示厭離。

七 功德

致力克己勤求覺，不為我敗成決勝；

獻身為眾學覺他，佛道事業盡迴二。

八 經

佛所詮演喻如線，能綴妙法永饒益，

世出世間遍明示，依次觀行度迷津。